

ner tuus? Respondit: Cum socero tuo. Vnico verbo discussa calumnia, & generi & sua, qui in dissentiendo de Repub. principum vestigia sequerentur. Gallus quidam de Cæsaris exercitu ad Pompeium transfugerat, illi ciuitatem Romanam dederat Pompeius, exclamauit Cicero: & bellum hominem, Gallo ciuitatem promittit alienam, nobis nostram reddere non potest. Solebat de Pompeio nimium mordaciter iocari his verbis: Ego quem fugiam habeo, quem sequar non habeo: His horumque similibus hoc vnum Pompeius reludebat: Cupio ad hostes Cicero transeat, vt nos timeat: Quasi tantam illam loquendi fiduciam, Ciceroni non aliundè, quàm ex familiaritate nimia provenire confirmans. Iam quotiens & quàm grauitè iudit in Cæsarem? Andron quidam Laodicænus Romam venerat, & aduentus sui causam interrogauit Cicero: Atque illo respondente, Pro patriæ suæ libertate legatum ad Cæsarem venisse: Seruitutem Romanam dissimulare non valens, Græco sermone in hanc sententiam respondit: Si obtinueris, & pro nobis intercede. Abutebatur Cæsar vno tempore matre & filia, nomen matri Sergi

i. iiij.